

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Jonstoni|| Theatrvm|| Vniversale Omnivm|| Animalivm||
Qvadrupedvm

Jonston, Jan

Heilbrunna, MDCCLV.

VD18 90528808

Caput IX. De collectione et electione Zibeth.

urn:nbn:de:gbv:45:1-10966

De collectione et electione Zibeth.

Collectio.

Quum repleti fuerint utriculi substantia Zibethi, animal ipsum inquietum est et semet exonerare satagit, unde videtur dicendum, ab ipsis acri qualitate turgere, vexari et pungi, atque ad excretionem prioritari, delectarique videntur circuata animalia, dum folliculi ii auris calpio exinaniantur, scribit Faber ex F. Gregorio citato. In hisce montibus, quos animalia haec pererrant, omni adhibita diligentia Nigritae, sive Mauri illi perquirunt veteres arborum, aridisque trunco, et ubi aliquas maculas magnas, easque oleosas obseruaverint, eo se conferunt et globosam quandam materiam truncis iisdem adhaerescentem, nuculas, aut castaneas magnitudine aequaliter auferunt, in aqua ebullire permittunt, id quod supernatant pingue et oleosum removent, mundioribus vasis infundunt usque reservant. Atque haec est omnium optima ac purissima Algalia. Repletis enim folliculis, ob acrimoniam, ut reor, vellicantur et coguntur animalia se depurare, ideo in silvis arborum truncis se confirant, ut talis materia arboribus adhaereat.

Ea autem animalia, quae in caveis magnis domi asservantur, vel circuata sunt, si abundaverit in eorum utriculis succus iste quasi eo molesta, velociter per caveam ambulant, nec loco stare queunt et si non extrahatur a nobis excrementum, animal ipsum, caveae lateribus et dominus parietibus se confirando, Zibeth a se abstergit, quod ita perit. F. Columna apud Fabrum descripsit modum, quo famuli D. Bernardini de Corduba odoriferum hunc liquorem ex masculo detrahere parabant.

Modus colligendi *Ex famulis unus lorum, seu catenulam, quia ligabatur, trahebat. Posteriores alius pedes tenebat: Tertius utriculos revolvebat, qui medii inter anum, ac pudendum prominent, tam in mare, quam in foemina, in horum cavitate scaturiginem suam liquor ille Zibethicus, consistentiae prorsus melleae fu-*

mit. Hic extrahitur immisso auris calpi maioris simili instrumento, quod per cavitatem quaqua versum sapienti scule revolvitur. Hoc ubi in uno atque altero folliculo praestitisset, gossypio utriusque pilos, qui curti sunt abstergebat. Ac ubi sexies forsan cochleari illo parvo utrumque utriculum emundasset, tantum ferme Zibethi collegit, quantum avellanae nucis cortici implendo satis esset. Addebat idem D. de Corduba aestate liquidorem, quam hieme succum colligi, ita, ut in caloribus illis, singulis binis diebus seminaria corraderetur, biberno vero tempore, vix semel in septimana succum illum, nec tantam eius quantitatem acquiri. Ex foemina postea minus Zibethi educebat, quae cicur facta nullatenus repugnabat.

Zibethi substantia videtur esse pinguis et unctuosa, nam in aqua ebulliens superiora petit et ab heterogeneis separatur, consistentia mellis, seu butyri est, liquidius aestate abstractum, vel recenter temporis processu incrassatur. Ego extraxi folliculis animalis demortui ultra drachmas duas, colore albido et mellis liquidioris consistentia. Scaliger, et cum hoc Renodeus, dixit esse odoramentum pingue, crassum, nigri saponis facie, sed vidit in superficie et antiquatum. Amatus vero, quum recens est, inquit, tetri, et horribilis est odoris, postea vero successu temporis gratum spirat odorem. Quadramius Zibetho contrarium accidere, Ambrae et Moschi, haec enim quo recentiora, eo praestantiora, Zibethum autem vetustius, melius F. Donatus ab Eremita lib. I. Antidotarii cap. 10. optimum, ait esse leonino ac subpalido colore, pingue, moderate liquidum, tempore crassescens, papyro impositum et confircatum solubile sine corpore, quo distinguitur ab adulterato. Idem Frater Evangelista Quadramius lib. de Theriaca c. 11. scripsit: Masculi Zibethum albido est colore, foemelae vero leonino, post hebdomadam ab

ab animali extractum, tempore procedente obscurum adparet, cum tamen et ipsum initio album spectetur, sed citissime fulvescat, praestans sic evadat. Foeminei Zibethi uncia valet quantum masculi unciae quatuor. Ita admista uncia una foemini, sex masculini unciis ambo perficiuntur, cum masculinum solum absque foeminino parum valeat.

Adulteria. Adulteratur variis modis, admisto butyro, vel pulpa passularum maiorum, seu Zibili et aliis rebus. Frater Evangelista Quadramius l. de Theriaca cap. 11. Zibethum adulteratur adipe rancido, vel butyro, vel caseo. Sed si huiusmodi parum impositum fuerit cochleari argenteo super prunas, adulteratum reddet suae mistionis odorem, vel casei, vel adipis, vel butyri rancidi, legitimum

vero suavissimum odorem. Sed legitimumne, an adulteratum sit, ex F. Gregorio scribit Faber, cognosci, quia infusum in vas, in quo aqua bullit, statim, quod heterogeneum et Algaliae admixtum fuit, fundum petit, Zibethum autem sincerum aquae superficie innatat. Nos dicimus admixtum cum butyro, vel alia repinguai, non posse separari dicto modo, sed percepimus etiam aliquando in ipso odorem butyri rancidi, butyrum enim veterascens corruptitur et odore rancido semetipsum manifestat. Solet etiam optimum Zibethum acquirere colorem, veluti item quandam fuligineam, sed in profundo albescit, quod vero adulteratum fuit, eiusdem est coloris in profundo, ac in superficie, servatur in vitro, non alibi.

Legitimum.

C A P U T X.

De usu et facultatibus Zibethi.

Cautio.

Duplicis est usus Zibethum, vel odoris gratia, vel facultatum, odorem tantum respiciunt Myropolae, Medici facultates.

Cautio dicunt Myropolae adhibendum esse in compositionibus aromaticis Zibethum, nam suo valido odore alios superat, unde odorata unguenta ex multis conflata Zibethum tantum redolent. *Pulvis Zibethi*

simplex apud Alexium fit ex faccharo candi et Zibetho simul in pulverem redactis, qui servatur vase vitreo optime clauso. *Rosellus* sumit ovoidum cortices lotos et siccatus, in tenuissimum pulverem redigit et cuiilibet unciae addit Karactus iij. Zibethi. Karactus autem pendet grana iiiij. vel recipit cortices preparatos ovoidum duarum unciarum pondere, infundit in aqua rosacea Moschata 10. vel 12. diebus, eos exsiccat, territ et cribrat in tenuissimum pulvrem, addit pulveris facchari fini unciam unam, tunc mortarium aeneum prunis ardentibus intro positis calefacit, quantum tactu ferre manus possint, inde absterto mortario imponit pulverem corticum, levigat

gat pistillo et addit Zibethi Karactus iiiij. paulatim miscendo inuncta pistilli summitate, sic levigat spatio unius horae, postea in vitro vase bene clauso servat, quo pulvere aspergemus dealbata linteamina, subucas et alias vestes.

Sapo odoratus fit ab iisdem aucto- *Sapo.*
ribus, accipiendo saponem communem optimum, secant subtiliter et exsiccant ad solem, vel in umbra per 10. dies, tundunt et cribrant in pulvrem tenuem, tunc addunt Zibethi pulverem et aqua rosacea uniunt in solidam formam.

Fiunt etiam ex Zibetho olea unguenta et suffumigia, quae describe

re supersedebo. *Vires Pel.*
Quoad vires medicas, F. Gregorius de Bolivar apud Fabrum, *pel. lis.*
lis, inquit, *ventris ipsius est saluberrima in omnibus frigidis affectibus.* *Ventriculum praecipue roborat, si frustulum ex hac eidem imponatur et quotidie gestetur.* *Nigri illi Guineae et Brasilienses barbari huius quoque animalis carnibus vescuntur, ut cumque sit pessimi odoris et digestionis durissimae, quam ad venerem tamen prae-*

Gg